



UKA2024/89

Ilinniarnertuunngorniarfiit aamma ilinniarni ingerlaqqiffiusut pillugit inatsisit allannguuteqarnissanik siunnersuuteqaqqullugit Naalakkersuisut peqquneqarnissaannik Inatsisartut aalajangiiffigisassaattut siunnersuut, tamatumani qulakkeerneqaqqullugu inuussuttut ilinniarni aamma ilinniarni ingerlaqqiffiusuni soraarummeerni, ilinniartut kalaallisut oqaatsiminnik atuisinnaanissaat pisinnaatitaaffittut inissinneqassasoq.

(Inatsisartunut ilaasortaq Najaaraq Møller, Siumut)

Uani Siumup Ilinniartut kalaallisut oqaatsiminnik atuisinnaanissaat pisinnaatitaaffittut aalajangiiffigisassattut saqqummiussinera Najaaraq Møller Siumumeersoq qutsavigaarput.

Nunatsinni inuussuttuuneq assut assigiinngitaaq, tassa ilinniarnikkut aamma atugassatigut. Pissutigalugu nunatta Kangiani Ammassaliup eqqaaneeruit atugarisat, ilinniarnikkut aamma oqaatsigullu atugarisat imaannaangeqaaq. Soorlu nalunngikkippat Kitaamiut oqaasii, uangattaaq ilaatigut oqaluttarfikkut ajornartorsiutigisarpakka. Nalunngilarpummi (Rigsgrønlandsk) Kitaamiut ilinniartussaasugut aamma meeqqat atuarianni aamma Naalagiarni, naalagiut assersuut ilaatigut ilisinermi.

Taamaakkaluortoq aammalu massakkut ilinniarni, atuunnissaat ilinniartut periarfissaalersoq taakkartorneqarpoq. Tamannalu amerlanertigut unammillernartut inissiffiussarluni, ingammik Qaanaameersut, Ittoqqortoormiineersut aammalu Tasiilameersut eqqarsaatigalugit.

Kisiali qanillatorneqartut malunnaraluarluni, nalunngilaq sulii annertuumik unammilligassaqartugut oqaatsigut inatsimmi aamma ilinniarni. Tamaakkaluortoq nunatsinni, malugeqqunaqaaq aamma ilaatigut atukkatigut immikkuullarissumik oqaatsigut malittarisassat aamma avinngarusimasunut isiginiarneqarnissaat kissaatiginarmat.

Nunaavugut inuiattut akuerisaasut iluemoorsinnaangilarlu inuussuttugut nammineq oqaatsisinnik inaarutaasumik misilitsinnermi atuisinnaanatik ilinniakkaminnik naammassinnittussaataasut. Naak nunarsuarmioqataanitsinni tuluttut oqaatsit inittoqaraluttuinnaraluartut oqaatsitta tammariartunnginnissaannut akisussaaffik tamatsinniippoq.

Soorunalimi ilinniarni misilitsinnermi aamma Ammassalimmiutut ilaatigut misitsissinnaaneq annertuumik Siumumit kaammattuutigerusupparput.

Tamaalilluni aamma inuaqatigiittut ingerlaqataasut annertuumik peqataatinneqarput soorlu Qaanaaq, Tasiilaq, Ittoqqortoormiit eqqarsaatigalugit, qujanartumik ilinniartut ukiorpassuarnik ingerlaneqarput. Saniatigut najugaq qimannagu ilinniartut aamma ulluni makkunani SPS Ilulissani misilitsittut Siumup isiginiarpai taakkuni ilaatigut periarfissineqarput oqaatsik atorlugi



12. November 2024

misilitsissinnaanerat periarfissiisutigineqartoq sulii annerusumik aalluneqarnissai ilinniartinniarfinni allani sulii aalluneqarnissai Siumup kissaatigaa.

Ilinniartinniarfinni ingerlaqqiffiusuni sineriak tamakkerlugu ilinniakkamik naammassinnissinnaaneq ikorfartorlugu angusarissaarnerunissamut pisariaqartinneqartut isigalugit innuttagut nalimmassarfigisinnaasariaqarpagut, qaavatigummi oqaatsit takornartat tassa danskisut oqaatsit atorlugit ilinniakkaminnik ingerlatsisinnaanissaannik piimasaqarfigereertarpagut. Nunaavugut ataaseq, kalaallisullu oqaatsivut pisortatigoortumik oqaaseraagut, sumiorpaluutit nikingasaraluartut taakkuttaaq aamma kalaallisut oqaasiupput. Misilitsinnermi nalileeqaataasoqarnissaq aporfigineqarani politikikkut pisortanilu sulinnermi periarfissiuussinissaq imminermi pisussaaffiuvoq, tamannalu aamma inerisaqqinneqartariaqartoq isumaqarpugut.

Taamaakkaluartoq aamma periarfissat una peqqussut oqallisaalermat Najaaraq Møller Siumut Siumumiit qujaffigaartut pingaaruteqartumik qaqitsimmat.

Taamaattumik Siumut isumaqarpoq ilinniartitaanikkut, aqut manna sulii annerusumik allatigut aamma oqaatsitigut avinngarusimasumiittut ilanngullugit sumiorpaluutillu apeqqutaatinnagit kalaallisut oqaatsit atorlugit inaarutaasumik misilitsissinnaaneq periarfissatut annertuumik isiginiarneqassasoq Siumut isumaqarpoq.

Taamatut oqariarluta una Siumumit taperseratsigu oqaatigissagatsigut.

Dines Mikaelson - Siumut